

童

山

詩

集

童山詩集卷三十五

綿州李調元雨村

丁巳

二月十八日宿張可恒醫室

一間藥室兩間床剛臥童山一老狂只恐壺盧裝不下  
長身擠壞費長房

白魚舖有彭生饋鹽魚有感而作

惠我誰能及老彭得非膠鬲饋余烹老來作事真堪笑  
尚捧乾魚欲放生

主人恩義未全衰枯骨何時再畜池尚想當年魚水契

重刊詩集卷三十五  
如今空作過河悲

乾隆五十九年余過白魚舖偶坐茶坊主人尹姓  
乞詩贈以二十字云路往什邡城茶坊要留句也  
算途人中知己偶一遇今再至則坊已易主有粵  
人張良宗尚能背誦出楮乞書因再和之

舊詩已遺忘君能述吾句如何在粵時此才獨未遇

借禮汀訪法參

禮汀春盡邀我遊爲指法參居林邱風知客到門先啓  
甬打花殘徑更幽我見古栢戲相揖昂然不動階前立  
畢竟牡丹辭迎人澆之以茶使沾濕

禮汀有盆蘭爲縣尉周青門所借既而見還並以詩禮汀邀余與釋際徹法參同和

蘭花何必定禪堂空谷從來總是芳一自善人同室後  
至今坐久不聞香

附原作

周佩蘭 青門

九畹清姿傍法堂移來小署挹芬芳拈花微笑西來  
意只合仍供佛座香

附同和

達 徹 禮汀

幽蘭原愛居陰谷偶近陽光便吐芳底事花來即萎  
謝爲因福過滅微香

白甘老醜隱山堂忽向拳龕挹露芳但得春風輕護  
耕不居林下也幽香

法 參

盆蘭一自入琴堂遂覺閒花百不芳富貴場中留不  
住仍回林下散清香

羅漢寺和縣尉周青門

佩蘭壁間韻

竹林深處鳥關關借得亭臺盡日攀礪齒有泉供我漱  
點頭無石任他頑學歌僮蠢舌都敝乞字人多腕不閑  
年過六旬猶作客祇因癖性愛遊山

贈唐萼光秀才

聲名久已擅文場，鬚鬢如今半帶霜。  
人說解經如孔鄭，我憐書法似蘇黃。  
封碑羅漢同鐫石，設館荜華不下岡。  
爲問高徒七十二，可能藝過右軍王。

茂州廣文車孝廉粹齋書涪州人寓什邡白魚舖  
枉顧並邀至家出所著詩文爲贈二絕

近來州郡無佳志，細讀君詩志不如。  
聞道岷山江水出，可能再續導江書。

貴妃原產茂州鄉，遺下熊脂水亦香。  
可惜無因見傾國。

玉環生性愛霓裳

君有愛姬武氏茂州產是日以觀劇未獲見

再遊嘉定凌雲寺僧涵池請詩爲題大佛巖上  
老來久棄遊山屐又上凌雲陟九巔山色戀人留不得  
灘聲恐客漸思旋花能解語工勾引藕爲多絲屢斷蓮  
堪笑金人成佛後葛藤依舊滿身纏

燕子曲

在德陽作

朝見燕作窠暮見燕生子子成已飛去客猶在堂裏  
燕子在梁上客子在梁下同是借居人相看莫相怕  
高居避鼠貓哺食覓蟲蟻可憐燕一生辛苦只爲子  
燕子家何處雙來亦雙歸如何獨居客不得效于飛

睢水關

風聲兼挾雨聲驕河下灘聲夜夜朝聞道山中新有虎  
望兒不憚隔山瞧

八月初五日玉溪過訪因圓桂花盛開同作

無端風浪走天涯拾得明珠手內擎奔月蟾蜍仍返窟  
駕雲玉兔未還家客逢衛玠神先爽樹遣吳剛斫更賒  
此日同來金粟藏人間香國不須夸

金丹點點滴蒼苔夢裏聞香眼始開已分飛花雲外去  
誰知桂子月中來風飄雨打雖無三日暴晴吹豈有埃  
道是仙胎人不信廣寒宮裏再親栽

附

張懷漑

香山詩集卷三十三  
風雨連朝好駐車阿翁別業在烟霞老來性辣真同  
桂樹到秋深始着花粟粟低垂高士屋紛紛香迥別  
人家一枝忙喚兒童折揮向瓷瓶故故斜

四桂扶疎四面開小軒延月共徘徊果然子落人間  
少信是香從天上來翁向西河求玉斧我陪北海飲  
金杯而今要借淮南種坊看叢生滿澗隈

和桐城姚姬傳

雜

太史見寄元韻並附寄祝芷塘

袁香亭兩同年詩

自分相思夢寐間忽聞消息慰顏顏九年坐擁南京席  
萬卷高於北峽關聞與王維談佛近

謂王夢橫先生應知袁虎

其舟還

謂袁子才前輩

自慙蘇老甘心退尚悔從前作辨姦

桐城驛路雪霜間憶在君象醉別顏往日爭馳龍尾道

只今高卧鹿頭關故人半受衡文聘

謂孫心蔣祝芷塘張慕青王少林皆

長

作山英物先看奪錦還

長君已登王子知

我輩功名真似戲何

須核實論忠姦

附原作

寄懷李雨村同年

癸未庶吉士刑部郎中

姚

龜

姬傳桐城

故人與我尚人間衰髮無多皺滿顏地勢最難通蜀道天涯各自倚江關流傳文筆知消息愛賞溪山孰往還閉戶不妨論事業發揮潛德又誅姦

和姚姬傳寄祝芷塘韻

吳蜀相望又十年餘生難買下渝船應知蒼髮看俱老  
可得紅顏似少妍淞水半江并剪外錦城雙節浣花邊  
頗君就近因風問去歲書曾到海壖

附寄風壖

姚 鼐

君任華亭五六年東風輒爲望江船料應玉兒睽今  
衰醜却誦瑤篇轉妙妍地上朋儕餘有幾天涯風雨  
颯無邊白頭垂憶平生事又寄傷情到海壖

和姚姬傳寄袁香亭韻

當年同第望龍頭有客傳能造鳳樓內外分頭各南北  
功名到手幾春秋機雲聲價馳吳地軾轍文章遍粵州

獨我天隅甘寂寞江干日理釣魚鉤

附寄袁香亭

姚 鼐

同歲書生盡白頭異時江國共登樓  
蕭條身世餘孤策歷落山川又九秋  
雲出易迷巖曲岫鴈飛難到海

南州却聞壯事猶能作談笑與霜拭佩鉤

香亭書言在南粵流

兵

送侄朝墀舉乙卯鄉薦北赴春闈

自汝少多病讀書愁太勤誰知三載濶聲忽九秋聞滄  
海珠寧棄瀛洲席應分老人扶病送徙倚到斜曛

答學士王春甫

蘇脩

寄懷原韻

辛巳孟春忽接春甫同嗣君編脩蓮甫

宗誠書

並以詩問訊有身倦暫思依錦里才高直欲上  
青天荆高燕市歌相和目斷冥鴻向左綿之句  
時春甫已予告留京就養蓮甫卽乙卯蜀閩朝  
壇座師也余醒園竹林有何須問三字用王子  
猷事來書以爲佳故末句答之

宦海真如海上船雲帆轉眼忽無邊我無官興應歸矣  
君有微疴可雀然却羨小郎扛大鼎頻教短李望長天  
竹林實有何須問乞賜書題到左綿

七月十三日遊昭覺寺是日甚熱

長林雲氣鬱蒼蒼六十年來始徜徉十頃稻黃金布地  
萬竿竹紫鐵爲槍僧房真箇如冰冷官路居然似火湯  
圓悟禪師今不見誰將六祖塑中堂

昇仙橋小憩卽駟馬橋

秋陽如旣暫停車駟馬橋頭喚煎茶怪道行人盡攜藕  
橋南無數白蓮花

寄酬雙流縣鍾明府

逢泰

明府余典試粵東時所士也今年七月十八  
日余因追亡至邑告以故立卽捕獲梟竇並贈  
饁金蓋師生相看漸皆皓首矣臨別爲之惻然

寄詩志謝

自甘老病臥江村不意今秋復出門師友重逢如夢寐  
鬢須相看各銷魂門懸白楮風霜肅村過朱衣雨露恩  
細數及門人七十目中惟汝一人存

重陽偕玉溪登半天亭

從來佳日是秋多老怯登臨可奈何喚作半天仍半地  
却能望水望山阿一生不作墦間乞雙椀曾吟陌上歌

是日望見姚  
趙二妾墓

與盡只思歸去好吾廬尚隔一池荷

附同作

張懷滋

重陽作客到綿州且把登高當出遊楓葉雨來人戴

笠菊花風起蝶飛樓巴東聞說添新鬼地下誰能喚  
醉侯却笑我翁天半立蒼生何處不擡頭

因園雜詠二十首

擘破莢中細纍纍珠相似美人雙淚垂錯認相思子  
紅豆樹

雙雙紫蝴蝶飛入西園道栩栩不肯歸化作園中草  
紫

我有綠雲扇寄在瞿曇家年深用不得變作碧蓮花  
扇

金釵以爲股雀髀以爲莖筍是誰家墮春來石上生  
金

銀花

江南有奇草空瓢能作樹至今零陵人生女白如瓠

章

翠匙不沓羹絲箸乃如挾花吐禹餘糧草比堯時莢

于根

應是巨靈仙遺得拓山手捧出太華蓮長獻西王母

人掌

吾聞秀不實未見實不秀却勝多稼田可備荒年糗

花果

庶羞三十珍燕食棋其一昔爲天子嘗今爲賤者贄

胡瓜

金蓮從地湧蕊大却難開爲問散花女何時甘雨來  
旱地蓮

名蕉萎落異非松剛介同批鱗九重上司甲萬花中  
鐵甲松

好矜每見細多才實爲患不見鐵線蓮尚有未開瓣  
鐵線蓮

有實曰栩杼無實曰柞槲青岡秋風來皂斗如雨落  
青岡樹

總珠可念佛椀木能棒鬼試問現與巫佛在鬼有幾  
無

蕙子

蜀有黃連草亦有黃連樹  
蠹子藏其間  
噉人不知處  
黃連樹

柳綿飛度日  
楸線正抽時  
木王渾不識  
認作蒜莖枝  
線楸

李乃仙之木云何鼠李多根株  
雖共族鼠竊奈如何  
鼠李

樂性咀諳易  
枝形比擬難  
老身風易侵  
換骨作金丹  
九節風

葉似虎耳草  
花如鐵脚棠  
何須羨松栢  
小草亦凌霜  
長

樂花

曆紅嬌若醉錦簇爛成圓送與佳人插飛鸞入鬢邊

帶花

贈命士彭玉輝

理窟從來元又元惟君勃窣探根源口如隋陸能雄辨  
身似侏儒不飽飧彭祖休誇八百歲李聃只用五千言  
相逢若各爭家世亦恐難知本命原

悼僕宋通

天津東岸是儂家一帶垂楊江路斜生小海濱漁艇上  
誰教萬里到三巴

歲暮高秀才

步雲

見過

清風動幽竹，明月上高梅。忽聞良友至，相與傾深杯。天寒地凍銀海眩，雪花如掌撲人面。不是高人那肯來，况遭俗物頻相踐。問君來胡爲久，濶苦相思聞道行。起用勸，駕切無遲君言爲我懷。誠好所惜此言君，欠早百樹梅花我主人。我去只恐梅花稿。

釣魚竹枝歌

聞諸弟諧姪日以釣魚爲樂，因作竹枝歌戲之。

穿遍清渠與濁渠，斜風細雨釣皆虛。萬家溝裏君休去。

上釣無非小白魚

董家山上林家塘緣木求魚魚半藏  
前回坐處滿笈笥  
今再來時携空筐

桃花魚美鯽魚肥  
晨光出門星未晞  
忽有巨魚截釣去  
月明空抱斷竿歸

熊家溝轉鹿家林  
草笠芒鞋踏柳陰  
一自拚塘人散後  
一魚也不一

賦俗以塘魚售  
人名曰拚塘

弟兄樂事世間無  
童冠曾遊老亦俱  
惟有九臯癡絕甚  
隔林投石故驚魚

釣客將蝦爲釣餌  
塘翁以酒作塘媒  
旣施魚又兼施酒

落得朝朝醉飽回

題沈家竹閣二首

沈家閣後好琅玕四面清疎月一灘昨夜乍驚風驟起  
二雙拳雀話秋寒

今宵萬箇更瑾瓏風不搖時月正中天遣月風傳畫本  
粉墻筆筆活交同

獨遊龍神堂訪寬戒不值有懷寂慧

人情翻覆幾時平蠻角蝸中久戰爭忽踏片雲何處去  
空留孤月向人明性如蕙桂應同悔眼看滄桑世漸更  
惟有堦前一池水終年徹底白沈清

預碑歌并序

仁和周謙字莘圃壬辰進士爲高縣令乾隆乙卯年十月重修文廟於大成殿後掘七丈五得一石碑其文云推算先天九九欠三鼎造石尹擇修周官愈陞愈美越高越妍諸生輔翼科甲綿綿癸丁壬丙龍真穴全無怠厥職令子肖賢要知修者仍是身前隱沒當日出現今年碑旁大書預碑二字年月漫漶不可識計廟修於康熙五十三年爲姓石者建至乾隆六十年周君得之實七十八年恰符九九欠三之語建造姓

氏向址無不符合亦奇事也華圃徵詩甚夥余  
婿于溪其本房門生也屬余作歌因賦之時嘉  
慶二年丁巳十月初一日也

乾隆乙卯月季秋奇碑出自古高州問誰掘得今縣尹  
仁和進士其姓周周君名謙字莘圃前身曾作高州主  
簿年姓石今姓周同爲此地民父母適修孔廟建大成  
鳩工築土聲登登忽然掘地一丈五康熙碑字皆可憑  
碑文奇古十六句蝌蚪盤螭句各四鼎造石尹擇修周  
旁書預碑雙大字記年九九恰欠三前因後因堪詳參  
天地氤氳寧有意妙合旋教作妙談我聞佛氏前生事

見之正史僅一二羊祜本是李家兒五歲便知玉環取  
王珉子爲胡沙門初生能解外國語其他洞真皆非真  
商云張蔡尤欺人王維畫師非宿世李白如來豈後身  
世人貴耳多賤目翻因所見悟本末桐枯生子原不死  
蠶蛹爲蛾何須哭蜃入海市能幻樓不知前生原知雀  
鷹交春氣變爲鳩不知前生乃鷓族人言老不轉少年  
不知子在如身然臭皮脫去骨仍是血肉雖流種自傳  
偶因頂碑一募撫豁然悟出萬姓譜不知我後姓爲誰  
但願亦如周莘圃

童山詩集卷三十六

綿州李調元雨村

戊午

正月初七日題曹大姑壁

今年心事頗忡忡，人日題詩又不同。  
川北羽書飛過境，巴東舟楫更難通。  
家饒絲竹惟行樂，年過桑榆志尚雄。  
蠢爾么膺當就繫，不知誰作漢終童。

清明借玉溪礎兒至醒園

醒園常見人來醉，試問何人號獨醒。  
大抵百年俱傳舍，何堪三徑剩危亭。  
洞無人至空延月，壁有詩題半使星。

惟慮柏根拋廢圃顧兒不覺屢丁寧

因園假山成二絕

因園本是水爲國安得雲巒慰眼枯黃鳥生成老夫客  
飛來便喜止邱隅

有石瓊瓏似太湖天涯海角此峯無  
蜉蝣不識神移主  
猶認槐安是故都

附同作

張懷澄

愚公移得此山至歷落嶽嶠亦可夸  
便有彩雲當面落  
是誰偷剪海東霞

巖巖氣像峻峭骨怪底疑從鷲嶺  
逢見我欲發頻下

拜原來他是丈人峯

夏初困園雜興

夏初不是栽移候昨日枝分小棣棠  
惟有游蜂採香慣  
飛來依舊宿花房

乙乙燕爲梁上客雙雙鳩是借居禽  
夜來老鶴悲何事  
總爲栖枝失故林

附同作

張懷漑

一枕蘧蘧日未昏無端見蝶夢中翻  
醒來疑有遊園客  
客了烏風吹自打門

大几明窓四坐清  
案頭卷帖眼偏明  
茶鐺故作松風

響錯認沙場鐵馬聲

悼亡妾林氏

廣東人

六如塔下始逢君十載歸來井臼勤  
總爲殤兒埋玉早前身竊恐是朝雲

能撫他生倍所生去年婚嫁備艱辛  
如今萬事都無恨去報黃泉付託人

塲枝欲遣畧商謀便窺雙顰誓柁舟  
畢竟將身先我死轉慙薄倖是莊周

同里當年有子郗孫山落第學登徒  
可憐誤爾身榮顯只爲羅敷自有夫

哭袁子才前輩仍用前韻二首

今年四月二十七日接江寧隨園袁子才前輩  
少君通書及赴聞言子才已於丁巳年十一月  
十七日辰時病故並言前歲蒙貴函溥惠貽先  
嚴當卽肅函申謝並寄小倉山房全集一部凡  
荅雅贖並和見寄詩二首不料託帶書人遇風  
覆舟將札及書均被火以漫漶不可復識仍行  
寄回此去冬十月杪事也現在苦聖之中檢理  
舊稿尚未覓得云云聞之大慟向南哭之仍用  
見和前韻二首聊寄奉輓

卷三十一  
三  
懸知老子是猶龍不謂俄成馬鬣封江上馮夷停鼓瑟  
山中師曠不調鐘六朝風月教誰管萬里雲天失所宗  
自恨彥先慳一面生芻一束向南供

辨香遊峯是吾師望斷龍門百尺枝詩比漁洋聲更大  
老遊粵海集尤奇可能虎賁中郎似若箇驢鳴武子知  
接罷和章兼接赴文章萬古更推誰

同日接江寧王心齋書仍用前韻奉寄二首

來書云簡齋先生於去年八月接到函海及尊  
詩二首當卽寫書和詩兼寄小倉山房集及外  
集於九月交紅花客余九從水路帶來不料至

巫峽舟陷溺水書札皆濕仍舊帶回見袁函已  
開尚不模糊因錄詩奉寄云云與袁少君所言  
無異但此書到日適季夏連雨亦滲漉不能讀  
因仍用子才見和前韻戲答之

長江豈有愛詩龍浪打袁詩要拆封總爲文名驚水府  
故遲歲月到林鐘紅花異客原難信丹桂同年實可宗  
到底來書遭雨滲只宜沉浸當茶供

此老峩峩百世師無端千丈倒松枝書看虎子生成肖  
寄到驪珠死後音交晚難登名士傳年衰料得故人知  
錦江不少吳船泊此後郵筒舍子誰

題門生溫莊亭承奉赴華陽幕諸人贈行詩冊並

送回粵秋闈二首

見說溫生遠赴招贈詩都似贈瓊瑤蜀中山水重重秀  
嶺外文章箇箇超我老後來難備識汝兄前列記名標

冊中諸生准記溫瑞相德慶州廩生余曾考列一等第  
三與莊亭考列第五皆序生科試同拔瑞相乃其兄也

敲金夏玉誰居一要讓楊雄自解嘲

莊亭有園六序并首甚工

聞道蓉城勳別筵一帆風送海南船誰言入幕如王猛  
爭看吾門有鄭玄浪湧珠江魚鼓舞峯迴羚羊峽鶴騰  
翮曾羅甘史非虛譽金鎖他年屬史遷

余刻莊亭試牘有曾羅甘史一史之詩

得甯湘維明府鏡書知己從清溪回什邡任奉賀

欣聞返署忽開顏也算生還入玉關  
吳質豈能長驥孟嘗終看徙珠還  
纔踰相嶺如離歲望見盤壘當故山  
多少荷花如別妾相逢定各競妖嬈

和什邽尉周青門自畫墨菊見寄原韻

端陽纔過重陽早忽見東籬寄一枝  
畫菊居然有佳色不由元亮不題詩

附

什邽尉周佩蘭青門吳縣

迢遞雲山動遠思春枝無贈寄秋枝高風得遇陶彭  
澤欲索困園詠菊詩

青門畫菊見贈余亦以自畫墨梅答之仍用前韻

驪使梅花寄所思老人特地寫枯枝菊花既早梅尤早  
暑序先催臘月詩

題青門見惠所畫著色紅梅

着花無醜聖俞詩我見梅花亦似之總爲時人貪愛色  
故教畫亦點胭脂

禮汀與余素相愛不知其能畫也近日遣徒靜安  
以所畫梅蘭見寄爲題二絕句

早把梅花當小姝嬌藏金屋小西湖等閑却被禮公覺  
畫我姝娥行樂圖

生與爾莫如蘭屢館聽楚夢亦安

羅漢寺有齋曰  
聽余每至必聽

此寄到國香是得意要余入室共盤桓

題靜安上人扇上墨蘭卽其師禮汀所畫六泉菴  
客禮自名也

六泉工小畫下筆便生風怪道香難覓出君懷抱中

草鞋同張雲谷作

白分身宜着草茅侯門欲進足先膠一生不惜惟鞋是  
半世微官早屣拋忽見朝鞞思舊主偶逢業屨當新交  
老夫近頗遊山健只恐難隨拄杖跑

附

張邦仲

一綱芒鞋遠寄將着來兩脚便輕涼不同貴客烏靴

言集卷之三十一  
樣雅趁山人簪並裝花徑杖藜行較穩禪堂對奕脫  
無妨朝天久斷王喬夢一任窻前晒夕陽

玉溪夏日寄懷詩二首有如何問却絲綸手只向  
西湖下釣竿之句依韻答之

萬金買得自由身野鶴山猿分外親豪氣未除猶倔強  
機心已盡尚難馴花開護草增新勸果熟文林感舊臣  
縱使朝廷不遺舊爲言已作廢材人

脚不穿鞋首不冠客來最怕叙溫寒愁迎官府長稱老  
喜見兒孫屢問安亦有西湖供嘯傲偶逢東郭便盤桓  
六旬又五終何用十四年來一釣竿

附

張懷漑

得醉何妨換告身田夫牧豎日相親豹文畢竟終歸  
隱龍性生原未易馴名刺不書前進士頭街舊是老  
詞臣近來海外梯航使頻問中朝第一人

二十年來早掛冠蕭齋風雨不勝寒鬢邊白髮悲滯  
岳天下蒼生望謝安尊酒隨時多遣興溪山佳處每  
盤桓如何閒却絲綸手只向西湖下釣竿

題白塔寺并序

白塔寺在安縣東四十里古神泉縣也元中統  
元年割石泉軍置安州以神泉西昌爲輔邑至

元十三年併入安州屬龍安洪武改爲縣本朝  
雍正五年改屬綿州西昌卽今花街鎮神泉卽  
今白塔寺有塔水場寺在瓜菜山下有神泉一  
名金線灘嘉慶三年任持月上補葺山門屬余

題詩

神泉自昔推名縣歲閱滄桑塔尚存不有跋僧新整頓  
焉知古寺舊根源玉峯壁立玉千尺金線灘流金萬村  
從此人文當倍出吾詩聊當鎮山門

六月六日遊何氏梨樹園有懷九臯弟兄

詩翁不見三年久大谷園中偶載過枉有哀梨千百顆

家食比

種號壺蘆得最難惟君園裏結成團近來也學吾家李  
一樣嫌疑不正冠

自從園主久分離典與旁人自守梨却被黃鸞偷啄落  
未成先吃烏傷虧

偶來樹下避炎天一顆因風墮我前不是老年牙齒缺  
有梨須讓長兄先

有好梓詩稿者多假吾名作序極力自譽以弁稿  
端吾實不知作詩解嘲

作詩豈爲賺虛名况復虛名賺不成刻鵠終唯鷺相類

假狐空笑虎隨行失誣自愧春秋筆過獎難稱月旦評  
寄語後人須細察品題多未識韓荆

題何體齋晉茹山莊

晚晴漸覺步趨輕便令肩輿亦待行松嶺未踰吾已倦  
栢林欲訪主先迎豆棚瓜架山家樂茅屋蓬門國士聲  
兩椀濃茶消酷暑歸來一路草風清

夏日四首在大女何氏家中作時方寡居

霹靂轟轟遠近聞前山有雨後山晴作禽莫作鴉鳩婦  
風雨聲中過一生

車水田中水不加炎天辛苦是農家涼棚少婦弓鞋小

手帶嬰兒足踏車

聞道山村革社開民因祈雨搭高臺漫言影戲非真戲  
金鼓聲喧雨已來

四蟲爲害祀宜虔爲禱青苗小歛錢所望田神惟滯穗  
就中寡婦實堪憐

聽何體齋彈琴

不識琴中趣欣聞琴外聲總因人蘊藉故爾調和平能  
得松風意還移海水情無絃何必蓄長笑老淵明

題節婦橋二首

并序

節婦橋者綿州生員何珅妻王氏所建也橋在

丙戌堰下流碑文爲先君乾隆己卯年三月初十日撰碑刻本名節壽因何九臯遷橋於東而以碑移於何氏塋西砌石圈之人跡罕到故俗呼節婦橋卽所謂桂花塋也今桂已不存祇黃連樹覆蔭碑上文字未滅因託其姪上青錄藏於家

丙戌堰前已卯碑先君手澤字依植桂花已老人何在猶蔭黃連樹百圍

何子書齋傍水坳爲言近歲屢遷橋縱然碑隔東西遠尚有人呼節婦橋

夏日村行十絕句

日上平林似火然，草根珠露尚涓涓。  
偶來細徑攜筇過，無數蝦蟆躍入田。

暑天處處火雲蒸，喜見雲晴雨又興。  
自是近年蔬米貴，兼將豇豆種禾塍。

攜得解人何體齋，隨身筆硯早安排。  
每逢水際聽鶯去，不覺穿林到界牌。

四面山光撲翠微，出門處處鬪芳菲。  
蜻蜒也有隨遊興，故向前途導客飛。

忽見青苗苞漸抽，今年不患不豐收。  
稻花最怕狂風雨，

言身 卷三十六  
一  
暗禱天公鎖石尤

沙鑽襪底水鑽鞋不用人扶豈用僮莫道村行無好處  
隔溪一朵槿花開

秧田缺處水爭鳴尚似春耕水不平我曉水聲無別意  
稻黃該讓水長行

檉柳當天日正中濃陰也算小蒼鸞乘涼不用蒲葵扇  
享受人間自在風

叩門得遇好隣居一椀清茶一火爐便有老農來共話  
課程袒褐講唐虞

劉家五尺小書童見我如逢圯上翁揖入董帷深處坐

今番不怕蟆蚊蟲

附

受業 何晉茹 體育

日上銕金樹欲然  
淙淙堤畔愛流涓  
農家似以鄰爲  
壑剩水隨他放出田

天邊霞蔚夏雲蒸  
助我騷情勃勃興  
栽滿豆苗行不  
得更無從徑到田塍

茅屋溪西別築齋  
何愁詩料未安排  
田書十字秧書  
井便是天生好韻牌

良苗都趁好風抽  
四面峯巒一刻收  
好似嘉州江上路  
凌雲九頂望烏尤

東山詩集卷三十一  
尋幽不枉踏芒鞋路到窮時村復來  
獨樹介歎誰氏  
宅柴扉各自背江開

檉柳河邊雀亂鳴隔村一望暮山平  
涪江晚放誰家  
艇一葉中流自在行

平生最愛竹虛中風懸千梢日半弓  
正欲開襟納清  
爽隔橋吹送稻花風

橈楫縱橫一徑微詩涼緩步踏芳菲  
小禽何處藏身  
穩偷見人來忽地飛

不是家居是甌居思量澤國避洪爐  
水深不遇乘輿  
產路斷何妨假道虞

錦囊收罷付奚童  
箇箇爭看老齋翁  
歸去不知筋骨  
倦三更猶自注魚蟲

重遊石巖菴贈然愷上人三首

借何體齋作

石巖有兩菴上下非一處  
客喜上山行僧返下山住  
昔我偕九臯遨遊尚健步  
今同小阮來全仗藍輿雇  
然公本故人曾在茶坪遇  
一見笑相迎先使蔭美樹  
問我胡不襪赤脚乃無屨  
知我欲登山爲引山中路

靈山不在高  
須有靈泉流  
名利不在古  
須有名人遊  
聞昔有三高  
讀書山中樓  
其一居高甲  
頃刻登瀛洲  
宦海多翻覆  
塲屋生戈矛  
古人骨已朽  
爭此如天球

高第高簡高節

皆明錦州進士而節以羅江縣籍登嘉靖壬辰賜進士  
及第三人由編修署吏部員外郎以科場事敗充軍今  
兩地猶爭之曰高探  
花我編人我羅人也  
惟一脈泉滋滋汜未休劃壁引  
入厨細消如漚浮不須竹筴遞已見盈缸收山僧昏人  
難請客品茶既畢竟與他水臭味分薰猶便可凡胎換  
豈止痼疾瘳安知百載後我輩名不留

此巖以石各有似宋星隕由星化爲石尚未鑿混沌  
年深纏松蘿地茂紛葦葇橫者如走坂高者如廩困大  
如犀象犄小如豺虎狼蠅蜒卧龍長蹠踟躕砉砉其一  
如蝦蟆口若銜芝菌其一如鯨鯢腹可吞舟盡就中爲  
石巖大厦缺欄楯下可建丈旗上可設鈎盾何子頗好

竒以身探虛牝笑謂昔崩石未知今可穩崖迥竹房  
歎泉入樹根隱不知何地庖美饌備蔬筍

題石巖寺後竹二首

從來修竹不受暑多竹誰家可款門不料石巖菴後路  
無端走入此君村

偶檢清幽後佛堂開門似展畫圖方只銷卧對幾竿竹  
風不來時也自涼

笑保

我聞六月其蟲保始識人爲世上蟲但使爲人真不愧  
何妨不挂一絲風

瑞菴草書歌

瑞菴草書學懷素筆法頗似長沙僧自言此中得三昧  
書家莫與吾爭能懷素所失在奔放君獨尺寸有衡量  
懷素遺譏在疎野君獨準繩歸大雅不信試看杜甫秋  
興詩八首濡筆何淋漓神妙已令鄭虔服醉勢不使張  
顛知忽如高峯之矗天忽如大石之墜地忽如風送而  
雲收忽如霞生而月至烟霏霧結斷仍連鳳翥龍盤軒  
復輕一齊全入手冊中難與懷素分真偽瑞菴沒後今  
幾年伯英衣鉢無人傳近來草書誰似此惟有吾家破  
兒子

訪何九臯書屋題詩二首奉懷

睽違又是幾秋春不見台山老斲輪  
往日酒場成畏友近時詩社算斯人  
未完婚嫁應回首遊遍江湖可轉身  
寄語神傷荀奉倩應思伉儷倍酸辛

自笑衰頹老不禁猶能拄杖過梨林  
一生只與酒無分萬事獨於詩用心  
尚憶紅梅同首唱風蒙青眼許知音  
君見贈詩有不知幾百歲再復有斯人句深愧不當經君門口君知否蛛網書窻  
鼠弄琴

遊松山寺訪高氏祠堂

山門以內盡秧田想見山荒缺粥饘  
一箇善人方念佛

兩廊衲子不參禪，宋祠隔代成龕子。廟宇當年捨宅塵，香火不忘高氏德。松山精舍榜猶懸。

寺中有松山精舍四字，乃明雲南刻。

使高弟墨蹟今尚刻匾殿門。

### 何二妹家招飲爲賦四絕句

鶴髮雞皮鬢各絲，寒泉時動凱風思。老來尚記兒童事，亂用諸兄筆視時。

積善從來慶有餘，含飴日日樂何如。只餘一事心常歉，有子偏慵讀父書。

一家婦女盡知詩，刺繡才完卽視池。漫道蕭娘風韻老，

贈夫新什勝關雎。

甥元如繼娶山陰丞德陽蕭君起，第四女名鳳齡，曾學詩于余，有送外。

越試句云願君早折蟾  
宮桂無負孀姑教子心

最憐弱女小天夭書卷何曾手暫拋解乞雨村詩話讀  
免教時傍綠窻抄

二妹明年年屆五旬擬爲預慶妹言若使孤兒得  
名勝於老嫗得壽時甥元茹未歸因廣其意作二  
絕寄之

家世相傳女孝經撫孤八歲續門庭但求鳳詔來雙闕  
勝似蟠桃祝萬齡

昔年畫荻說歐陽况復荆釵有孟光如此遭逢還遠出  
倚閭何以慰高堂

惱人二首

惱人俗物只添睡急走偏無楚簾床妹解涼風北窻意  
爲兄置榻候羲皇

惱人俗物漸來稀一覺南柯夢起遲怪道碓前三尺水  
原來風雨不曾知

七月初一日入安縣界牌聞禁戲答安令

言子當年宰武城割雞能使聖人驚前言戲耳聊相戲  
特送絃歌舞太平

昔日江東有謝安也曾攜伎遍東山自慙非謝非携伎  
幾箇伶兒不算班

耳鳴二絕

六十應當耳順時，今逢又五耳難提。昨宵蟻鬪聞午鬪，錯怪誰家牧犢兒。

偶臨樹下復溪邊，總覺鶯鳴噤噤然。借問旁人聞見否，方知是我耳中蟬。

寄呈大司農沈雲椒先生

初二首

風望稜稜佩水蒼，欣聞司會領文昌。履聲曉步丹墀上，劍影宵衝紫極旁。皓首自應憐北海，瘦腰可是舊東陽。江湖廊廟音書濶，聊復題詩慰渺茫。

當年岸記倚蒹葭，謬荷齊名玉樹誇。武庫昔原推杜預，

度支今復見張華已從天上司喉舌肯見人才惜齒牙  
若問童山近何事一竿漁艇老生涯

蒸梨二絕戲何體齋

肺病連朝頗短神秣陵佳種摘來新憑君寄語征南道  
蒸食哀梨竟有人

誰言參也會非愚曾爲蒸梨便逐妻明歲應求乞枝接  
免教眉與案難齊

寄懷墨莊鳧塘兩弟二首

并序

上次翰林大考墨莊由檢討改授中書今次大  
考鳧塘復由春坊中允改授編修因作二詩慰

之一寄墨莊一寄鳧塘

又見孤鴻向北征，秋風忽動鶴鶻情。  
勸君休抱龍門恨，如我曾叨鳳閣榮。  
紅藥翻時詩可咏，紫薇宿處夢俱清。  
長安漫說居非易，蜀道連年正用兵。

今年大考翰林題爲征邪教

官是宮闈典棘闈，去年門戶頗光輝。  
三魚定應占台象，六鷓緣何又退飛。  
詩稿校成何日梓，宦囊蕭索幾時歸。  
老兄搔首無他望，望汝持衡再賜緋。

鳧塘乙卯與試山左旋獲晉階中允

和京中學士王春甫懿修寄示種竹見懷仍用前

韻

聞道呼來不上船，長安日卧酒爐邊。此君本是君家物，  
憶我遙知我亦然。月影萬夫嫌舊句，胷中千畝喜新篇。  
將軍敢詡園林勝，絲竹從來產目繚。

附階前種竹數竿頗堪銷夏遙想杭塘  
老前輩竹林之勝因次以贈元韻

翰林學士王懿修青陽

新營瓦屋小如船，種得琅玕碧檻邊。疑是人來風乍  
動，明知借住日常然。思君惜少涓川句，贈我應多池  
上篇。珍重平安道，屢報邇來陰雨太連綿。

困園雨多屋塌重修將竣示諸工

今年秋雨太滂沱，棟折榑崩水沒禾。不立巖墻從古少

坐於塗炭只今多鏹  
坊易覓王承福種樹難尋郭橐駝  
笑謂梓人何乃速揚潛可是汝師麼

和門生溫承恭回粵見寄元韻

曾憶當年白虎通五經  
班固坐當中兩朝結局巡行使  
四海虛名太史公侯宅已看瓜自種  
王門休倚瑟能工  
回頭絳帳環聽日二十年來一夢同

附

艾業  
溫承恭  
德慶

廿載迢迢信不通  
羴羊幾度望川中  
新聞顏駐赤松  
子早遇書傳黃石公立雪盈門  
期我重凌雲當殿賦  
誰工津梁山谷知先得  
一種春風竊喜同

題俞石村

廷舉

看劍引杯圖

并序

俞石村廣西全州人爲蜀營山令魯佐餉西征  
與什邡介寧湘維善寧有書來言石村養痾在  
省慕拙詩轉求題圖並言指定七言古歌務要  
親書爲賦長句

軍侯朝來遣一奴示我看劍引杯圖言是石村小行樂  
要我長歌親筆塗展卷鬚眉却不識面帶王郎酒酣色  
未曾斫地歌莫哀白眼已望青天直右手持杆左看劍  
前身作令應雷煥自棹錦水爲諸侯斗牛紫氣何曾散  
閑來起舞如龍翔天地久亦爲低昂揮罷何以酬劍器

十分滋味傾金觴人言看劍須酒友我言看劍須詩興  
酒間試味少陵詩不知誰作蛟龍吼我聞寶劍必有名  
瑩景騰空無日精若遇兵戈卽飛赴千里之內難留行  
方今妖氛四力煽流毒正須遣霄練盍解夫襦請出匣  
一掃妖塵化滄晏胡爲含笑看吳鉤日從僮僕大白浮  
得毋西征魯佐餉予今不忘從征遊嗚呼此意我知矣  
凶邪未淨心中恥舉酒何曾貪麴生不平聊酌風胡子  
詩亦何須古書亦何須工恨無長劍倚天句爲挽天河  
歌大風

十月十二日接寧湘維二兄書言聖點陽開州牧

將赴新任寄詩奉賀兼陳志別

自我歸川十五年，鄰邦名杜見盈千。  
眼中儒吏惟君是，心上詩人讓子先。  
漫說三秋同歲隔，幾會一日缺吟篇。  
豈知又向黔陽去，回首西湖總黯然。

學本陽明更發明，雖居仕路却書生。  
借抄東壁全交吏，曾戍西番亦善兵。  
樂部難攜應諒老，韻牌雖在與誰磨。  
瑩華東道曾相約，從此遊山竟懶行。

附

貴陽開州牧  
前任旌縣令

銜會

薄宦遊川十七年，曾叨朱履列三千。  
文翁政蹟慚難繼，供奉才名讓獨先。  
白帝虛傳魚復陣，青燈欲注豹

艱篇西湖不盡流連處纔聽離絃便黯然

迂疎經術愧陽明坐見妖氛楚蜀生大吏久持勞運  
幄小臣遠別敢論兵東山高卧徵應起北海詩成久  
未賡却幸龍場訪前蹟還思會面策鞭行

嘉慶三年十一月二十日漢州門生黃友冰

土著

戊午鄉試獲雋北赴春闈過綿話別友冰先受李  
學使彙賞識因兵戈未靖恐有道梗之虞隨學使  
回節之役依輔而行而學使尙未知也余方卧病  
強起臨送自念耄矣回憶醒園兩載師友綢繆聊  
不禁惘然也

逢冬每苦病加增乍見吾門喜不勝能奪錦標真快士  
敢言衣鉢有師承登龍已見三年化附驥欣看萬里騰  
笑語友冰須努力官銜恐又一條冰

明經輩五其

建昌

饒豐谷燒酒臨去屢索酒籠詩

以戲之

咎雖不嗜酒頗喜談酒具生長本蜀人酒悉知其故白  
雖名惠泉比較無錫誤黃者名紹興不產會稽處惟郟  
縣稱良嘔則以筒响微嫌淡于水不能令人酌中江有  
小麴巨釜滴小注祇可名督郵過多疾成痼就中數綿  
竹大麴清若露秦人之所釀西門名尤著實足稱醇醪

但少生辣趣獨有豐谷燒味如薑桂互一樽未及開衝  
人數十步以視前諸酒直可奴僕噉二酒俱籠盛編者  
以類聚周身桐膏塗蓋口猪脾護大小分重輕酒家白  
封固有酒卽有籠不另秤斤數瓶罌壘雖恥此籠終不  
去以之裝百物避風永不蠹鞏子信可人未免微帶醋  
爲求秦館扁代徒聊當賂不知中飽無與亦其徒雇臨  
行屢問籠兼索覆訖布

童山詩集卷三十七

綿州李調元甫村

巳未

戊午除夕前三日接京中見塘弟書見和前韻寄  
懷四首元旦試筆因再和答之

居廬不出爲慈聞忍見桃符萬戶輝忽得遙函詩數首  
懸知揮翰筆如飛已生英物夫何恨弟始未報君恩  
豈便歸近日山衣兄着慣別無春夢到衣緋

羨君朝夕侍庭闈花萼樓前並有輝自必鴉鵲同急難  
未應鴻雁各爭飛柳邊花裏雖分路雲散烟收好共歸

堪笑墨莊老居士欲求出守着深緋

墨莊書來  
欲乞出守

青藜捧節出宸闈照得青齊滿路輝敢道  
恩綸送乃  
得只愁廻旆速如飛人間玉燭方調後天上金蓮屢送  
歸得意却嫌兼失意笏袍尚未復牙緋

去年阿竹赴秋闈也望柴門四壁輝其奈畫龍睛未點  
難教刻鵠翮能飛今朝幸投衣傳訣他日應看戰勝歸  
話到感恩無淚滴老來惟有血沾緋

朝霞小  
字阿竹

附和詩

張懷漑

待君兼得侍庭開舞罷斑衣滿室輝詩到雞林人織  
列名題雁塔馬如飛南宮花萼聯枝茂東魯參峯滿

籠歸信是詞臣 天上使皇華驛路看衣緋

拜 命青宮入掖闈五花誥錫姓名輝人隨鶴鷺班

行舊身逐鸞鳳次第飛夜雨每同姜被卧早雲時傍

御衣歸霜蹄暫蹶原常事 聖主恩深又賜緋

不見紅旗報 禁闈漫空妖霧日無輝將軍橫槊風

前舞壯士彎弓塞上飛鐵騎漫驅青犢散鏡歌誰唱

白狼歸川東杜宇聲啼血一帶巴江水色緋時邪匪  
謂後故

云

翫穠當年試禮闈筆花無斂玉沉輝到家正及櫻桃

熟行路何禁柳絮飛白雪歌成人寡和黃金用盡我

旋歸平生亦有凌雲志願向君王一借緋

附原作

驥元

一白兄歸侍母闈舉頭頻望慶雲輝如何向日葵心  
在不並冲霄雀翅飛五夜笙歌孤憤遣千秋風雅盛  
名歸平生著作真函海勝似當年著紫緋

前賦皇華典魯闈滿門桃李共交輝官疑平步青雲  
上身似超昇白日飛豈料龍樓方上選旋看麟閣又  
來歸妖氛何日驅除盡欲著征袍當錦緋

除却賓興八月闈三年提學最光輝歲科考似牛陳  
跡時習生如鳥數飛絳帳有人偏不遇卓錫無地望

先歸回思粵海衡文日花映吾兄五色緋

聞道阿咸試蜀闌燈光宵結幾重輝定知魚貫龍先  
化不信雞羣鶴未飛兄况六旬鬚髮老弟常千里夢  
魂歸但教樂事家庭聚衣鉢相傳勝賜緋

墨莊和前韻見寄再答

半生足跡遍南征只爲哀憐故友情畢竟指囷求魯肅  
何如稽古學桓榮古今音義書方纂前後詩文卷可清  
大抵詞壇如對敵遣詞須各鬪心兵

附

鼎元

家書到後鴈南征辜負鴿原萬種情池占鳳凰原不

惡伍儕絳灌竟何榮人經閱歷心常淡詩遇窮愁句  
益清幾度欲歸歸不得巴江猶有未銷兵

墨莊來詩有巴江猶有未銷兵句再疊前韻二首  
答之

粟米征同力役征連年騷動見民情請纓定抱羈縻志  
題杜寧忘駟馬榮家有孟光能守澹官如王洽本居清  
丁寧莫作思歸計蜀棧秦關半是兵

投鉞元戎盡出征虛糜何以慰皇情米船徒見催陶  
侃羽扇空閒走顧榮屢歲軍興民力盡何時烽靜逆氛  
清無人寄語諸邊將聖主神明莫玩兵

學士王春甫再用前韻寄懷登至四首亦如數  
之

憶昔曾同郭泰船兩仙齊汎海洋邊偕行頗覺油油爾  
行夢俄成栩栩然懷友時彈拍隱操辭醫日讀攝生篇  
邇來身老君知否未及交秋已毳毼

乍讀來詩似敵船兵戈滿眼欲防邊細看學士戲言耳

要使將軍見輾然來詩有射虎爭傳飛將名海東將帥駕樓船諸句蓋以將軍見戲也老

眼尙能書細字病軀偏喜作長篇若將膽氣論諸帥十  
倍雄心力較絲

羨君仕宦順風船又見賢郎傍日邊兩世蘭臺班固似

連年桃李狄公然惜逢駐駕金山驛恰值招吟玉樹篇

時赴名蹟  
三餘詩社

夜替至今長自悔文旌何日再過縣

小榭聽歌好放船

名園傍水多栽竹小榭聽歌好放船  
前典誠侍讀曲阜顏崇鴻留隱句也

共誇栽竹滿池邊詞吟烟景真佳矣句括風梢尚缺然

三字揮成龍滿紙十行序罷鳥成篇却觀不是義之腕

佛手兜羅

別有餘

前詩書竹園何須問  
三大字屬今始寄到

附用前韻寄懷李雨村觀察四首并序

王懿修 春甫

記竹林之雅集曾附濬冲仰天上之謫仙羣推李白  
頃來淮使得捧魚箋知聯語早奉記曹而扁額尚遲

台命更荷遠投珠玉正如親接芝蘭惠以好音欣同  
良覲伏惟老前輩大兄大人英辭絢爛壯氣騰騫以  
西蜀之淵雲爲南宮之冠冕翰林風月吏部文章秘  
府抽思固早播詞頭之譽公庭論事寧徒署紙尾之  
名曾擁節於皇華旋開堂於綠野捫參歷井流水行  
雲峻望岷峨豪情渤海編玉溪之華萼記德裕之平  
泉鄴架圖書細叅亥豕應門賓客劇會雲龍崇大雅  
以扶輪遍傳詩話聽康衢之擊壤亦寓文心庭自傳  
經門多問字固行樂其多方抑賦閑之獨異傳弟倚  
寓修門倏臻老境自慚蒲柳敢比松筠謹廣綿韻六

章漫作窠書一幅相思千里寓投報之深情久別十年思唱酬於往事溯潞亭之秋水許附仙舟對蜀郡之花箋長思彩筆肅申積悵恭請道安

海東將帥駕樓船俄見歸帆錦水邊雙鶴相隨行樂耳冥鴻高舉信翩然新春忽枉停雲賦舊雨長吟使粵篇嘆我閒居排歲序做裘初脫又裝辭

敏捷君詩下水船乘風遙寄鳳池邊早看鬢雪偏忘老偶覺心灰正復然射虎爭傳飛將畧騎鯨誰續話仙篇蒼生霖雨知相待定有安車向左懸

去任真如不繫船蒼茫人海五雲邊聞君勇退真依

見愧我歸心欠浩然投轄曾開官閣宴

先生觀小州會月約

頌益有

分題猶記錦囊篇別時愁折金臺柳十度

春正作辭

綠水青風赤馬船夢中長到竹林邊三竿作賦詞偏  
好千戶封侯事或然畫倩文同宜潑墨詩傳衛武白  
名篇扁成丈六書三字慙愧慙針與裏絲

初九日絲州廣文周

本濤

觀海見訪時方丁艱以

長壽被寇無家僑寓金山驛爲涪江山長因至南  
村覓同年木齋五弟求濟不值適是日小孫彌月  
留宴詩以慰之

有客驚傳至我村，踈髯道貌立當門。自言家破無歸處，尚喜身貧有友存。弟正遊春誰倒屣，孫方彌月特留殘。相村詩話聊相餉，莫謂饑來不可吞。

親高踏燈歌

并序

高躡卽古驚戲也。見列子名曰雙屐。蓋自戰國已行之。亦名長趨。宋武陵舊事。元夕舞隊有踏趨卽此。多於元日。故謂之燈。向余備員吏部齋宿。天壇遇大禮宣赦時。捨金鷄者用此等人。上竿打觔斗。自歸田來久不見矣。神泉舊縣有黃州人屠姓能爲此伎。是月十四日至南村觀。

者如堵因作長歌

正月十四坊市開神泉高蹻南村來鑼鼓一聲廟門出  
觀者如堵聲如雷雙枝續足履平地楚黃州人擅其技  
般演亦與俳優同名雖爲燈白日至其一老如姜太公  
手持釣竿磻溪同其一少如西施女採蓮端坐蓮船中  
其餘髣髴臺閣架塗墨施朱吁可怕金鑿銀鑽濶步來  
恍若天上諸神下就中仙洞飛白猿儼如王母雲旗翻  
幘偷方朔藏何處返使此輩鑽桃園須臾舞罷倚簷歌  
儼如長股國人立不知何處獅子來鉦聲又引羣兒集  
我聞此伎名驚戲列子元君有其事後宋元夕舞隊陳

每逢大禮伎必備却憶當年侍 太皇 天增扈從回  
朝堂禮成宜赦金鷄捨常見此伎爭如狂至今跼伏蓬  
門下臣罪如山未全赦 太皇九十臣七十犬馬報主  
行看罷今觀此伎淚如泉難忘元宵侍 御前月明遙  
望雲堆處惟祝 皇恩萬萬年

元宵州佐蔣公蓮洲枉顧紅梅書屋並出沈大司  
農書暢談竟日時書屋遇偷兒室加懸磬故詩中  
及之

銀花火樹又將開難得高軒出郭來滅騎幾於將滅日  
除葦幸尚未除醅是日若酒不戒令公詩到香盈坐兒輩

親跪捧盥憂在蕭牆君見否荏苒又見起蒿萊

歷數吾州五馬侯知交誰似蔣蓮洲長才偏授髯鬚職  
念老常陳肺腑謀顏閭鑿坏何處遁陳蕃懸榻竟誰收  
床頭尚有青氈在可爲王家一暫留

大司農沈雲椒先生初自京寄書和前韻二首見  
懷復再答之

故友凋零半老蒼惟君福德大而昌正當節應東方律  
忽見詩來北斗傍語帶清剛如夏日氣含溫暖似春陽  
詞壇忽憶同詞館共道長篇接混茫

旌旗振木復揚葭天上將軍衆口誇侍御有人思許遠

郡王無地起唐華

謂郡王

愁來大白浮犀角

杯

恨切藤黃

點蚺牙

時余方患蛀齒本草言藤黃點之神效驗之良然蚺音仲

不爲國恩逃不得

五湖烟月是生涯

附

戶部尚書沈

初平湖

書到知君鬢未蒼  
天公特俾壽而昌  
暢吟山水烟霞外  
泥醉鶯花鼓拍旁  
數典殘叢邁千寶  
耀人車馬羨  
正陽無端引我  
江湖興橋岸楓林接杳茫

遠人白露與香霞  
高韻孤情豈浪誇  
石室千秋添好  
氏木天一瞬  
捐清華屋梁  
落月疑顏色  
詩律水霜瀟  
齒牙老境自娛  
差得計好將  
心事托雲涯

山茶花有紅瓣

白痕白瓣紅痕俗呼抓破臉以其

名不雅爲易名

指印茶紀詩二首

山茶不與牡丹同亦有楊妃一捻紅豈是馬嵬魂到蜀

杜鵑一樣泣春風

紅指印

茶花原是雪霜枝淡抹濃粧亦自奇莫是粉施嫌太白  
故隨時好染胭脂

白指印

贈喜春二絕句

卽用其咏山茶原韻并序

喜春玉溪之

僕也名蔡長菁商城人隨父侍張

雲谷至蜀年十二時伴玉溪讀少微癡余見其

談以醜面温水潑山茶曾有從此花書添種訣

日將滾水灌山茶句今年正月二十三日喜春  
復隨玉溪至余曰此非滾水灌山茶人乎玉溪  
曰然今頗讀書能詩且敏非復舊日阿蒙矣盍  
試之因指山茶命吟限紅字應聲云山茶照得  
滿軒紅爛熳爭開小苑中莫笑當年澆滾水湯  
花入怕灌花翁頗有作意余僕恩濤姓劉能背  
誦袁子才詩者聞而微笑亦令嘲之復云小友  
恩濤我輩人浩然堂上一君臣口吟袁句身隨  
李勝似西園一喜春西園雲谷園名浩然余家  
堂名也因用其韻作二絕句贈之亦使玉溪之

僕得樽名於余詩集中也

山茶鋪白復鋪紅人在大生錦繡中  
喚得席間誰醉色  
下詩翁更僕詩翁

仍是花澆滾水人偏如蜂蟻識君臣  
浩然一句堪垂古  
喚醒網常萬萬春

困園王蘭盛開邀張玉溪樓莊計明經天禧門生

劉六廉全孫顏東坪明典冉曉山玉嘉作詩會並

試玉蘭餅得蘭字

玉樹何來亦號蘭崑山片片綴枝端  
當風鼻怪幽香透  
帶露心耽秀色餐  
飛白清園紅蝶舞  
蜂黃滴蕊認蜂掛

國圖本是騷人住漫作瓊花觀裏看

己未正月二十八日得鳧塘信聞已于去年臘月  
二十三日派入 上書房除夕賞賜貂皮等節物  
甚多不勝狂喜遙寄詩二首賀之

書來天上合家歡招得親朋共啓看前步承華雖降秩  
今登博望勝還官徐摛文字原宮體江總才華要鎮安  
莫道盤中惟苜蓿正逢初日照團團

從此青宮響玉珂辛勤較甚直巖坡駕陪紫谷人間少  
頒 賜黃馭內府多晨謁金罍參輔導夜隨銀燭共吟  
哦孤身漸近芝蘭染槐柳何人尚見和

題鍾馗撚箭圖 片川

畫鍾馗多撚劍而此獨撚箭豈劍止近以保身而箭可遠以射賊乎率題三十字

劍學萬人敵箭操百步撚鍾馗本書生何乃兼武事堪笑生將軍不如死進士

禮汀見訪因園值余外出翌日始歸奉賦二律

禮公久不見一旦惠然來因爾衝風至看予冒雨回盡成蘭一室詩就酒千杯忘却春衣薄通宵亦侍陪

園裏少往客相招每爽期誰知命駕日又值出門時鶴鵲驚禪錫蛟龍舞硯池可能留十日上已共追隨

周青門

佩蘭

有書以詩代答

昨朝吳道子帶得一函來  
聞道瘦於菊精神健似梅  
餘生留虎口宦興寄鱸頭  
問訊青門老何時項始賒

寒食示兒

寒食平生未有詩  
今年特示小兒知  
麥饘減食出周舉  
麥粥寒吞爲子推  
老柳孺槐飛燕日  
臥紅堆碧泣鴟時  
禁烟泉下先人曉  
急挂真錢母復遲

樂閒堂

并序

山林之樂實有不可與俗人言者  
唐人詩曰  
相逢盡道休官去  
林下何曾見一人  
蓋歎世人沉

圃于名利中而莫之知也夫政務之擾孰與琴  
書之娛冠裳之拘孰與野服之適午門待漏寒  
威逼孰與睡覺東窻日已紅况夫炎熱易噴水  
山難靠陸潘名士尚趨謁于土開劉柳大家且  
失身于文叔一朝瓦解萬事灰飛不但巢卵不  
完抑且身名貽臭此余所以甘居林下而不悔  
者職是故也陳眉公云未老得閒方爲閒予自  
五十歸來可謂未老矣不料其閒而天偏賜之  
以閒今且六十六矣雖閒居十六年鬚鬢尚黧  
豈不可樂乎因築樂圃堂三楹終日徜徉其間

其樂也蓋亦庶幾乎不知老之將至云爾堂成  
適聞邸報有感首相和公及二吳二李事因作  
詩以記時嘉慶四年正月十八日也

十六年前只見幾非因不用歎知希材同構揀宜時棄  
志戀山林合早歸萬卷書多踰寶閣三間花繞勝珠圍  
君看昔日冰山靠見現如今似雪飛

寄題墨莊登岱圖

并序

弟來書云此圖乙卯年夏五月往山東時爲黃  
司馬小松名易所畫過江得袁簡齋爲首唱現  
在名人題者已四十餘家吾兄有興可遙題一

首見寄遂作八句寄之

昔年曾共上峩肩，馭氣排空讓爾奇。今日又聞登岱岳，  
陰昏陽曉獨君知。烟入齊州青未了，收入尺圖天下小。  
崔顥題詩在上頭，只恐鳳樓亦推倒。

嘉慶四年正月初四日、今上歸政 恩綸疊

滿天下歡呼元惡，首除各匪自散。微臣伏處草茅，  
不勝踴躍懼悚恭紀二首、

莫道元姦竟不聞，深宮燭照早如神。三年恭已爲

天子，一日歸權見 聖人成括豈知聞，大道孫恩

回首卽良民，普天額手同聲祝。共祝新 皇萬萬春

不須富貴與天齊象齒焚身得免誰使我雉翔非早兒  
與他鶴唳悔同遲二三月後方開眼十六年來未展眉  
寄與陸潘名下士南臺早料有斯時

恭擬

高宗純皇帝挽詩四首

享國稽千古

皇朝邁百王齡同

祖

孫錫祚其

地天長

德咏周文穆

功唾漢武疆自聞哀

詔下

四海盡悲傷

御編詩五萬

欽定禮三千永樂一書纂

乾隆四庫

全

巡方遵海岸郵旱截漕船此日東南士猶思鳳

用武真神武名征不盡征南交萬里服西域九邊平臺  
海風寧浪金川雨洗兵百蠻圖職貢驚見像猗猗

乾綱維獨斷黜陟總由宸只有公忠相原無竊柄臣卽  
看垂死老猶荷再生身痛哭騎龍日拔髯少一人

挽大司農沈雲椒同年二首

纔見詩遙寄何虞赴並傳文章公獨坐喉舌執三宜野  
鴛書嘗學余嘗聞君書雕蟲愧讓先君曾以詩集屬選至今數謙德

直欲壓朝賢

東閣羣推沈南臺臯止和豈因權密奪遂賦薤蒿歌交  
憶平湖訂談思潞水過聖恩隆卹典謚法定如何開

賜謫尚  
未得聞

續夢遊飛泉詩并序

夢遊廢園觀飛泉作長句甚得意醒來僅記首  
四句因足成之時嘉慶四年六月十九日也

常存人工善作偽能滿泉自化間至却疑天公亦設機  
龍噴泉從樹上飛不知誰家舊金谷荒亭廢沼都零落  
僧制羣指凌雲臺賜第猶書奏寶閣瓊島瑤池彼一時  
幾山剩水盡陵夷明珠來自驪龍睡黃蓮冬開玉馬嘶  
此泉處處沾天雨 思深何異神仙府昔年金屋萬山  
金今日土房幾堆土正好遨遊若枵腹適逢蛇女炊方

熟忽聞爭錢驚夢醒乃是鄰婆爲雞祝

築墻行

墻壞何不築恐奪農時忙墻紆何不端恐侵他人疆每  
懷箕季語居官誠宜詳我今身已退兩事應可忘不意  
今年夏連旬舞商羊前墻圯未補後墻復灑殃每逢一  
日雨倒墻三丈長倘復雨十日萬丈未可量墻壞不足  
惜所惜瓦毀傷竊恐萬人陶不足供所償况復多荏苒  
新春已失防朝來覓丐者依式修我墻祇各守經界幸  
未屆稻黃不知何儉父假稱欠彼糧與墻風馬牛亦學  
當車螻試問乃同族解贈曾傾囊箕季如處此當復用

何方賊首王三槐誰言皆醉良

賊首王三槐蓬州人與羅其濂其書等倡言官

通民反作亂官兵征剿三年始就擒解京嘉慶四年二月十五日俱磔于市

愛閒亭敬和

先君原韻并序

愛閒亭者在今彰明縣塔水場古神泉廢縣東

昔寓公周書客之故居也書客諱儀萬江西金

谿人與先君石亭公至交調每以父執事之

乾隆戊寅年先君自浙以艱歸里一日書客

折簡召先君及調飲於亭中先君曾有詩

云周家亭子曉烟浮隔夜呼兒作伴遊塔水雲

開松樹頂官山月挂柳梢頭三間瓦廡堪維馬

十里滄江看浴鷗，薄暮倒歸君。莫怪劉伶本是  
醉鄉侯，未幾周歸江右，以亭售於先君。先  
君起服爲北路同知，旋以王事沒於保定。調於  
乙巳，由通永道罷歸，仍遊其地，不勝今昔之感。  
因於嘉慶元年四月，重加修葺，復建亭於上，仍  
名愛閒者思。先君亦思書客也，因追和先  
君原韻，並記始末云。

早知富貴若雲浮，梅向天涯浪出遊。昔日老人詩在口，  
幾年童子雪盈頭。出山有意慙梁雉，入世無心弄海鷗。  
解得愛閒惟李泌，只將鄴架博封侯。

已未重陽二首

寥謝荷殘久未來，困園今始破蒼苔。菊花也解高聲價，偏到重陽不肯開。

半天亭子截雲霞，四面峰嵐樹不遮。忽見草中開紫菊，不知錯認野棉花。

重陽後一日登半天亭

一枝藤杖躡雲根，前有兒扶後有孫。昨日萸囊都不帶，今朝菊酒尚盈尊。雲開屋後山如畫，雨落巖前水似奔。道我童心君不信，看余老尚學埋盆。

今年雨水較多，自七月至九月重陽

後一日  
如晴

聞舍弟墨壯黜元由內閣中書奉命充冊封琉

球副使聞之大喜因作詩二首寄京遙賀

怪君如鳥集王廷年不飛來歲不鳴豈料日光臨紫

省忽傳天使過滄瀛槎移牛渚河應動航載龍章

浪不驚記取前程須努力此行直繼海山旌吾蜀奉使

隆丙子海山先生周文恭公煌後

今四十二年吾弟復膺是命聞道中山海外懸南風三月底山邊百年豪氣銷磨半

弟今年一品恩榮服色全向剛冊封天使

已五十一神共護扶桑露灑詔初宣琉球刀好君須寄雙鏤兄猶

喜弄鉞

再和 墨莊弟八月十九日奉 命充冊封琉球

副使恭紀元韻二首

罷命傳來八月秋柴門驚起滿江鷗衰年兄忽喜如雀

早歲君原氣食牛鳩舌應詢蘇軾集東坡送子由使契丹詩時時鳩舌問

三蘇註能背 三蘇文 龍潭爭看李膺舟 正使為安徽太湖趙介

中山宴天使有七宴 重陽龍潭宴其一也別腸此去車輪轉一日思君一萬

周

三甲傳臚第一人弟登戊戌三甲第二紅梨臣改紫薇臣境當窮

處無非鬼運到來時若有神同上峩嶺慙後步獨經滄

海亦前因遙知使畢歸朝日萬國來同拱北辰

附更作

內閣中書 賜正一品 麟麟服前翰林院檢討 鼎元 擊

官海浮沉又幾秋，生涯頗類海東鷗。忽聞炎繳求封使，已見星槎入女牛。帝德如天無異域，臣心似水

可同舟。外藩共願中山最，龍命何欣得繼周。

有一年册封琉球副使爲同鄉用 海山先生龜今龜之亦異數也

四署班齊十四人，封使例以內閣翰林都察院禮部

人天顏齊處盡儒臣。望洋敢信蠹能測涉險，全憑節

有神一品虛名將號集。封使例賜正一品麟麟廿年

舊夢昔迷囚。甲辰九月以假遊泊舟溫州城下夜夢

有雲蒼淡螺深之句昨閱琉球志卷同行况面星爲

編

正使為世名山修撰有海

揚波際此辰

問四弟編修

元赴太僕率男朝礎設位北向祭

之哭詩二首

家信聯翩喜決旬無端赴到變酸辛死如可代吾何惜

生與誰朋汝最親

東坡詩我年二十無事倚當時四海一子山

好學顏回偏

短命嘔詩李賀竟捐身臨風哭罷還嗚咽三李如今少

一人

兒子何曾似苾升總因失學誤飛騰蒙君暗把金針度

令我編成玉佩膺豈意一朝隔黃壤頓教半載枉青燈

傷心最是朝礎哭倒靈前喚不甯

僧鞋一名僧帽

一叢露鳥 啄兩翼駕雙鸞紫匪人王奪藍同天色觀認  
鞋難踏雪 作帽怕衝寒重九黃華少聊將當菊看